

# **REFERAT NA Kulusuk-Tiilerilaaq-Isertoq d. 14-01-2020**

**Mødedato** Tirsdag d. 14. januar 2020 kl. 13:00

**Mødested** Kommunip allaffiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Tusarniaassut – Sinerissap qanittuani aalisarneq pillugu immikkoortumut pilersaarut.....	7
Apeqquteqaatit.....	8
Kulusumi anartarfinnut puut plastikkit atorneqartartut utertinneqarnissaat.....	9
Aalajangiiffisassat.....	10
Qinikkat allatseqarfianut ingerlateqqitassat.....	11
Borgmesterimik ataatsimeeqateqarneq.....	12
Oqaluuserisassat matoqqasut.....	13
Taasariaqartut allat.....	14
Imaqarniliap akuerineqarnera.....	15

## **Punkt 0: Saqqaa**

### **Ilaasortat**

Justus Poulsen (S)

Bendt Abelsen (S)

Moses Bajare (A) Peqataanngilaq

James B. Ignatiussen (S)

Paulus Larsen (S)

## **Punkt 1: Oqaluuserisassat akuerineqarneri**

## **Punkt 2: Nalunaarutit**

### **Beslutning**

#### **2A. Siulittaasumit**

Kulusumi innuttaasut juullisiorluarput. Peqatigiiffiit kiisalu kajumissutsiminnik ingerlatsisut katersortarfimmi unnussuaarnissaannik aningaasaliiffigineqarput rekvisitioni atorlugit. Katersortarfik atorluarneqarpoq. Orpik ajoraluartumik qaminneqanngilaq, sila ajornera pissutigalugu. Silami sulisut qamissimavaat.

Kiisalu Tiilerilaami aamma juullisiorluarsimapput aamma Isertumi juullisiorluarsimapput sila eqqaassanngikkaanni katersortarfik atorlualerpaat.

#### **2B. Allaffeqarfimmiit**

Katersortarfiit ingerlatsinerit iluarsaassinerillu ukioq nutaamiit Kommuneqarfik Sermersuumiit Sanarfarnermut avatangiisinillu akuerineqarsimapput.

### **Punkt 3: Ilisimatitsissutit**

# **Punkt 3A: Tusarniaassut – Sinerissap qanittuani aalisarneq pillugu immikkoortumut pilersaarut**

Aalajangiiffigisassaq

J.nr.: 01.10-A00-3-20

[Suliffeqarfimmi Kiffartuussineq](#) - Kommunaldirektøri Lars Møller-Sørensen / LMS

## **Suliassamik saqqummiussineq**

Kommunalbestyrelsep 30. aprili 2019-imi ataatsimiinnerani Pilersaarusiørnermut periusissaq P18 akuersissutigineqarpoq, ilaatigut uku suliniutigisassanngorlutik:

- ”Kommunimi illoqarfinni nunaqarfinnilu annerusumik minnerusumilluunniit inuussutissarsiutigalugu aalisartut piniartullu pisariaqartitaat tamakkerlugit qulaajarniarlugit aalisarneq pillugu immikkoortumut pilersaarummik suliaqartoqassaaq.”

Tamanna siorna aallartinneqarpoq, maannalu siunnersuut politikkerinut eqqartugassanngorlugu saqqummiunneqarluni.

Suliaq Sanarfinermut Avatangiisinullu Ingerlatsivimmit aqutsisoqatigiit suleqatigalugit suliarineqarpoq, aqutsisoqatigiit tassaasut kommunalbestyrelsimi ilaasortat Harald Bianco, Henrik Rachlev, Peter Davisen aamma piniartut peqatigiiffiinit KNAPK-mit, Neqitamit aamma NAPP-mit sinniisut.

Naatsumik oqaatigalugu, immikkoortumi pilersaarummi uku pineqarput:

- Inatsisitigut tunngavigineqartoq
- Politikkerit aamma immikkoortut suliniuteqarfiusut
- Pineqartup killiffia Kommunimi illoqarfinni nunaqarfinnilu umiatsiaararsorluni aalisartunut atugassiat
- Iliussissatut pilersaarut – Qanoq angussavarput. Atugassiat pitsaanerulersinniarlugit sutigut suliaqartoqassava

## **Qinikkat allatseqarfianiit oqaaseqaatit**

Allatseqarfiup Nunaqarfimmi Aqutsisut pilersaarut pillugu tusarniaassumut oqaaseqarnissaat neriutigaa. Apeqquteqaatit Aqutsisoqatigiinnut ingerlateqqinneqarnissaat allaffeqarfiup isumagiumaarpaa.

## **Inassuteqaat/Inassuteqaatit**

Qinikkanut allatseqarfiup inassuteqaatigaa:

- Nunaqarfimmii aqutsisunit tusarniaassut oqaluuserineqassasoq, oqaaseqaatillu Aqutsisoqatigiinnut ingerlateqqinneqarumaartut

## **Ilanngussaq/Ilanngussat**

1. Sinerissap qanittuani aalisarneq pillugu immikkoortumut pilersaarut

## **Beslutning**

### **Aalajangiineq**

Tusarniaassut nunaqarfikkaarlugit oqaluuserineqarneranik Tiilerilaami 5.2-mi pitsanngorsaatissatut siunnersuutigineqartut isumaqataaffigineqarpoq. Kaavitittagaq Nuummiit Tiilerilaamut nassiunneqarsimasoq suli tigunikuunngilaat, sumummita nassiunneqarsimava? Kiisalu Isertumi nalunaarfigineqarnikuusimapput Nuummiit suliarineqassasut. Kiisalu amutsivissaq tikiukkaluarpoq ikkussuunneqarnanili. Kulusumi sannavimmi amutsivik ikkuteriaannaagaluarpoq elektrikerilli suliaqartussat amigaatigineqarmata suli suliarineqanngilaq. Kiisalu puttasoq Kangaatsuardimmu 60 grader north-ikkut ukiaq ikkussuunnialuarpaat naammassinagulu. Aasaru suliareqqinniirpaat.

## **Punkt 4: Apeqquteqaatit**

Soqanngilaq.

# **Punkt 4A: Kulusumi anartarfinnut puut plastikkit atorpeqartartut utertinneqarnissaat**

Aalajangiiffigisassaq

J.nr.: 01.10-A00-3-20

[Suliffeqarfimmi Kiffartuussineq](#) - Kommunaldirektøri Lars Møller-Sørensen / LMS

## **Suliassamik saqqummiussineq**

Siulittaasup apeqquteqaatigaa Kulusumi anartarfinnut puut plastikkit atorpeqartartut utertinneqarnissaat.

## **Qinikkat allatseqarfianiit oqaaseqaatit**

Soqanngilaq.

## **Inassuteqaat/Inassuteqaatit**

Apeqquteqaat susassaqaartunut ingerlateqqinneqassasoq.

## **Ilanngussaq/Ilanngussat**

## **Beslutning**

### **Aalajangiineq**

Siornatigut nunaqarfinni anartarfinnut puut plastikkit qerasuut atorpeqartarsimagaluarput iluarnerullutillu. Anartarfinnut tipeqannginnerulernikuugaluarput anartarfiillu kusanarnerugaluarlutik. Massakkulli atorunnaarmatali tipeqarnerulerput anartarfinnut kusanarunnaarlutik. Ukiuunerani anartarfiit angerlarsimaffinni amerlasuuni ulikkaaraangat silamut inissittariaqartarpaat, arlaqartut pissamaarteqaramik taarsertarlugu. Taamaalioraangamillu silamut inissatagaat qerisarlutik. Allatullu ajornartumik nivaataq ikiortigalugu maangaannaq kuineqartariaqartarlutik. Anartarfinnik maangaannaq kueeraaneq inerteqqutaalernikuuvoq. Taamaammatt puut plastikkit qerasuut atorpeqaqqilernissaannik tamarmik taperserpaat.

## **Punkt 5: Aalajangiiffigisassat**

Soqanngilaq.

## **Punkt 6: Qinikkat allatseqarfianut ingerlateqqitassat**

Soqanngilaq.

## **Punkt 7: Borgmesterimik ataatsimeeqarneq**

Soqanngilaq.

## **Punkt 8: Oqaluuserisassat matoqqasut**

Soqanngilaq.

## **Punkt 9: Taasariaqartut allat**

## **Punkt 10: Imaqarniliap akuerineqarnera**